

欽定四庫全書

子部

普濟方卷四百
八十七



南京中醫藥大學圖書館版權所有

詳校官太醫院八品吏目臣黃發

編修臣倉聖脈覆勘

欽定四庫全書

普濟方卷四百七

明周王朱橚撰

嬰孩諸瘡腫毒門

赤瘤

附論

大小兒身上或一片片赤色如臙脂染及熱漸引者此名丹毒俗謂之爛若因熱而得者色赤或因風而得者色白皆腫而壯熱也可用一小鉞刀鎌去其惡血毒未入腹者可療也

方

升麻散 治小兒心熱身上赤瘤色如臙脂皮膚壯熱

川升麻 川大黃 微炒各半兩 犀角屑 黃芩 各一分 川

朴硝 半兩 梔子仁 木通 各一分 元參 半兩 甘草 炙一分

右搗羅為散每服一錢以水一小盞煎至五分去滓

放溫不計時候量兒大小分減服之

木通散 治小兒身體赤瘤片片赤色如臙脂染毒氣

漸引者

川大黃炒 川朴硝各半兩 梔子仁 甘草各一分 川升

麻半兩 木通一兩

右搗羅為散每服一錢以水一小盞煎至五分去滓

溫服量兒大小加減

大黃散 治小兒赤瘤熱如火一名截毒散

川大黃生用 鬱金 黃蘗 膩粉各半兩 猪牙皂莢去皮

子半兩

右搗為散以生油調塗一方無黃蘗有芍藥

又方

護火草汁

三合

赤地利

末

膩粉

各一錢

右藥相和量兒大小分減服之良久瀉下血片為效

其滓傳在赤處亦佳

治小兒赤瘤半身色紅漸漸展引不止

川大黃

生一兩

赤小豆

半合炒令紫色

川朴硝

三分

右羅為末以鷄子清調塗乾則易

又方

牛膝

一兩
去苗

甘草

半兩
生用

右細剉以水一大盞煎至五分去滓調伏龍肝末塗之立效

又方

李子油

三兩
硃砂一分
末

右藥調如膏塗之

又方

用醬汁塗之

金匱要略
卷四百七
又方

用蘿摩汁塗赤處隨手便瘥

又方

用蕎麥麪以醋調塗之不過三兩上瘥

又方

用胡荽汁塗之

又方

用白礬一兩以水煮冷熱得所洗之

又方

用燒粉家洗瓮水塗之

又方

用紅藍花末以醋調塗之

又方

用葶藶葉搗爛塗之

又方

用砒霜不限多少細研於硯中著水入霜以墨濃研

用筆點塗之良久以冷水洗後更塗以瘡為度

又方

用瓠瓠根搗末以醋調塗之乾即瘡

又方

用糯米水研如粥塗之乾再塗

又方

用粟粉炒令黑以唾調塗之

朱流朱風

針刺瘤頭出血

點麻油
次用藥

朴硝 赤小豆 大黃 薄荷 側柏

等分

右為末水調苦菜汁刷赤處周匝仍服羌活散柴胡湯並加荊芥防風蟬蛻仍審虛實用藥可也

身有赤處

附論

夫小兒陰汗為風邪熱毒所傷與血氣相搏熱氣蒸發其肉色赤身壯熱也

方

丹參散 治小兒身上有赤引於頰上或口傍眼下赤

如臙脂面上皮即皺剝漸漸引多此是心熱血凝所
為其治法宜以小刀子鋒頭鐮破令血出後宜服此
藥

丹參

黃芩

各一分

麻黃

半兩去根節

葛根

枳殼

麩炒微黃

犀角屑

各一分

右搗羅為散每服一錢以水一小盞入竹葉十片竹
茹半分煎至五分去滓溫服不計時候量兒大小分
減服之

麥門冬散 治小兒身上有赤煩熱

麥門冬半兩 去心 蘆根 葛根 犀角屑 漏蘆 甘

草炙微赤 各半兩

右搗羅為散每服一錢以水一小盞入竹葉十片煎至五分去滓溫服不計時候量兒大小加減

鉛霜散 治小兒身上有或癰腫或如火丹煩渴渾身

赤引壯熱

鉛霜 菴豆粉各半兩

右細研為散以雲臺菜汁調塗之

又方

用伏龍肝半兩乳髮二兩燒灰細研為散以水調塗
赤處效一方用桃仁浸去皮研爛以脂和塗又方用
用黃蒿穗以水濃煎入鹽少許溫溫洗之一方用白
礬細研以生油調塗一方用芭蕉根搗絞汁塗之

又方

用水中苔搗末以水調塗之

又方

用川芒硝以水研塗之

又方 治小兒身有赤腫起者

用熬米粉令黑以唾和傅之

皽瘡

附論

夫小兒皽瘡者由風熱毒之氣所傷客於皮膚生皽漿而潰成瘡故名皽瘡也

方

梔子膏 治小兒皰瘡

梔子仁

川升麻

犀角

各半兩

蛇銜草

三分

藍葉

兩

生地黄

一兩

黃芩

半兩

川大黃

一兩

右細剉以猪脂一觔同於鍋內以微火煎令藥色變

濾去以瓷盒盛候冷塗之

水銀膏 治小兒皰瘡

水銀

一分

膩粉

一分與水銀於掌中以津研如泥

松脂

土蜂房

各一

兩黃蘗

川大黃

生用各一兩

右搗羅為末以煉成猪脂一觔與藥末同入鐺中慢熬令稀稠得所將水銀膩粉入膏中攪令勻膏成以瓷盒盛候冷塗之不過三五上瘡

硃砂膏 治小兒頭上爛漿起如釘蓋一兩日後皮面及背皆生瘡

硃砂_{半兩} 胡粉_{二兩} 水銀_{半兩}

右點少水都研令水銀星盡以臘月猪脂三兩入鉢子內慢火上鎔化去滓入硃砂等攪成膏以瓷盒收